



ODLUKA O PONIŠTENJU POSTUPKA JAVNE NABAVKE

Strana:
1 od 1

Broj: 060203-949/16
Sarajevo, 08-04-2016 .godine

Na osnovu čl. 69, stav (1) tačka b.i člana Zakona o javnim nabavkama Bosne i Hercegovine (Službeni glasnik br. 39/14), člana 257. Zakona o upravnom postupku (Sl.glasnik BiH br. 29/02; 12/04; 88/07 i 93/09) i člana 38. Statuta, a na prijedlog Komisije za nabavke (u daljem tekstu Komisija), Direktor Preduzeća donosi:

**ODLUKU
o poništenju postupka javne nabavke**

I

Poništava se konkurentski postupak javne nabavke traka za izolaciju čeličnih cijevi i prajmera broj KN-05-14/16 objavljen dana 05.02.2016 godine na Portalu Agencije za javne nabavke BiH, broj Obavještenja 17-7-1-25-3-6/16. Odluka o izboru najpovoljnijeg ponuđača broj 0602-03-521/16 od 22.02.2016 godine i ugovor broj 71/16 od 25.03.2016 godine oglašavaju se ništavnim.

II

Potupak javne nabavke roba iz tačke I ove odluke će se ponoviti po sticanju zakonskih uslova, objavljivanjem novog obavještenja o nabavci na Portalu Agencije za javne nabavke BiH.

Obrazloženje

KJKP Sarajevogas je dana 05.02.2016 godine na Portalu Agencije za javne nabavke objavio obavještenje o nabavci traka za izolaciju čeličnih cijevi i prajmera (broj Obavještenja 17-7-1-25-3-6/16) i tendersku dokumentaciju učinio dostupnom ponuđačima na način kako je to predviđeno Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „e-nabavke“ (Sl. glasnik BiH 90/14 i 53/15).
Ponuđač IKT d.o.o., Rajlovačka bb, Sarajevo, je jedini dostavio ponudu u navedenom postupku, i ona je u cjelosti ispunjavala zahtjeve iz tenderske dokumentacije. Nakon provedenog postupka izbora najpovoljnijeg ponuđača donijeta je odluka o izboru ponuđača IKT d.o.o., za dodjelu ugovora, a zatim, nakon isteka zakonskog roka i potpisan ugovor sa navedenom firmom.
Po zaključenju predmetnog ugovora bila je obaveza Sarajevogas-a da isti elektronski objavi na Portalu Agencije za javne nabavke, prema odredbama navedenog Uputstva. Budući da se navedena objava nije mogla izvršiti, kontaktirana je Agencija za javne nabavke, koja je ustanovila da ponuđač IKT d.o.o., Rajlovačka bb, Sarajevo nije pod svojom šifrom preuzeo tenderku dokumentaciju, kada je ona bila objavljena, već je do iste došao na drugi način koji nije u skladu sa ZJN i Uputstvom. Shodno izloženom, ponuda se kao takva nije trebala uzeti kao prihvatljiva, jer navedeni ponuđač nije bio legitiman učesnik nadmetanja.

Pravna pouka:

Shodno odredbama čl. 101 Zakona o javnim nabavkama BiH („Službeni glasnik BiH” br. 39/14) protiv ove odluke se može podnijeti žalba u roku od pet (5) dana od dana prijema ove odluke. Žalba se u pisanoj formi podnosi KJKP Sarajevogas d.o.o. Sarajevo kao prvostepenoj instanci u žalbenom postupku

Dostaviti:

1. Svim ponuđačima,
2. Sektor Ekonomike,
3. Predsjednik Komisije,
4. a/a



Direktor Preduzeća

Mr.sc. Nihada Glamoč, dipl.ing.maš.